

ಪೆತ್ರಾನು ಬರೆದ ಎರಡನೆಯ ಪತ್ರಿಕೆ 2 ಪೆತ್ರಾ ಬರ್ದಲ ಬೆವಾ ಪತ್ರ ವಳಕ

ಪೆತ್ರಾ ಬರ್ದಲ 2 ವಾ ಪತ್ರ ಅಪೊಸ್ತಲ ಪೆತ್ರಾ ಬರ್ದೊಸ ಕೈನ ದಿಕ್ಹಸ ಮಾತರ ಘನ್ನಾ ಜನಾ ವಿದ್ವಾಂಸೊ ಆಜ ಲಕ್ಕಾಬಿ ಆ ವಾತ ವಪ್ಪಿಲಿತಾ ನೈ ಪೆತ್ರಾನೆ ಬದಲಿ ಕುನ್ನಯಕ್ಕ ಬಿಜೊ ಮನಕ್ಲ ಆಪತ್ರ ಬರ್ದೊಸ ಕೈನ ಕವಸ. ಆ ಪತ್ರ ಬರ್ದಲವಾಲೊ ಯೆಸು ಸ್ವಾಮಿನು ಜಿವನ ವರಿ ತೆ ಥಯಲ ರುಪಾಂತನೆ ತೆ ಡೊಳಾಕ್ಲು ದೆಕ್ಲೊಸ ಮಿಜ ತಿನೆ ಸಾಕ್ಷಿ ವ್ಹ್ಯೆ ಕೈನ ಕವಸ 1:17-18 ಅಕಸ್ಮಾತ್ ಪೆತ್ರಾ ಆ ಪತ್ರ ಬರ್ದೊಸ ಕದ್ಯಾಮ ತೆ ರೊಮಮಾ ರ್ಹತಾಮಾಜ ಆಪತ್ರ ಬರ್ದೊಸುಕ್ ವರಿ ಆ ಪತ್ರ ಯೆಸು ಸ್ವಾಮಿಹುಟ್ಟಲ್ಪರ 65 ವರಿ 69 ನಾ ವರಕ್ಲನಾ ವಚ್ಚಾ ಬರ್ದಲ ವ್ಹ್ಯೆ ಆಪತ್ರ ತೆ ಮರಾತಿ ಪೈಲಾಜ ಪೆತ್ರಾ 2 ಪತ್ರಿಕೆ ಬರ್ದೊಸ 3:1 ತೆ ಅಮ್ಮ ಬರ್ದಲ ಪತ್ರನೊ ದಿನ್ನ ಪೆತ್ರಾ ಬರ್ದಲ 1 ವಾ ಪತ್ರ ಥಯಲ್ಪರ ಮುಕ್ತಸ ತೆ ಆಪತ್ರ ಕ್ಹಾರಾ ಕ್ರಿಸ್ತ ವಿಶ್ವಾಸಿಯೊನೆ ಬರ್ದೊಸ. ಪೆತ್ರಾ ವಿಶ್ವಾಸಿಯೊನೆ ಭೊಕಿ ಜಿವ್ವಾ ಜಿವಸಾನಾ ಹುತಿ ವರಿ ತ್ಯುನೊನೆ ಮಾಂಡ್ಯಾ ತಪ್ಪ ವಾಟಿಮಾ ಚಲಾಡಸ ತೆ ಭೊಧಕ ಗುರುನಾ ವಿಷಯ ಹುಶಾರ ರ್ಹವೊ ಕೈನ ಆ ಪತ್ರ ಲಿಕ್ಕಸ (2) ತೆ ಯೆಸು ಸ್ವಾಮಿ ಆವಾನು ಘನ್ನ ದುರ ಶೆ ಕೈನ ಕವಾನಾ ಮನಕ್ಲೊಕನ ತುಮೆ ಧ್ಯಾನ ದಿವೊ ನಕೊ ಕೈ ಕವಸ. ಅನಾ ಬದಲ ಕ್ಹುದಾ ಹಲ್ಲು ಜವಾಲೊ ನವೈ ಮಾತ್ರಾ ಹರಿಯಕ್ಲೊ ರಕ್ಷಣೆ ಹೊಂದು ಕೈನ ಲಿಕ್ಕೊಸ 2 ಪೆತ್ರಾ 3:8-9 ತೆ ಕಾರಣನಾ ಹುತಿ ಯಕ್ಕ ಭೊಕಿ ಜಿವ್ವಾಕರಾನು ಶೆ.

ಪಿರಿಕೆ

- 1) ಪೆತ್ರಾ ತೆ ಕುನ್ನ ವ್ಹ್ಯೆ ವರಿ ತಿನೆ ಆ ಪತ್ರ ಕಿನಾಹುತಿ ಲಿಕ್ಕಾಡೊಸ ಕೈನ ದೆಕಾಡಿನ ದಿವಸ. 1:1-2
- 2) ತೆ ಥಯಲ್ಪರ ಕ್ಹುದಾ ಅಪೊನೆ ದಿದಲ ಜಿವ್ವಾ ಅಪೆ ಭೊಕಿ ತರಾ ಜಿವಸು ಕೈನ ಶೆ ಕರಿನ ದಿವಸ 1:1-2

3) ತೆ ಧಯಲ್ಪರ ತೆ ತಪ್ಪ ವಾಟ್ಕಾ ನಿಂಜಾವಾನಾ ಭೊಧಕೊಕ್ಕು ವರಿ ಗುರುವೊಕ್ಕುಬಿ ಹುಶಾರ ರ್ವೊ ವರಿ ಲಾಸ್ತನಾ ದಿನೊಮಾ ತ್ಯನಿ ಹಾಲತ ಕಿಮ್ಮ ಧಾವಸ ಕೈನ ಕವಸ 2:1-22

4) ವರಿ ಆಗೊ ವಿಶ್ವಾಸಿಯೊನೆ ಯೆಸು ಬೆವಾ ಸಲಾ ಆತಾ ಟೈಮಮಾ ತುಮೆ ತಯಾರ ರ್ವೊ ಕೈನ ಆ ಪತ್ರ ಮುಗ್ಗಾವಸ 3:1-17

¹ ಯೆಸು ಕ್ರಿಸ್ತನೊ ಸೆವಕ ಧಯಲ ಸಿಮೆಯೊನ ಪೆತ್ರಾ ಅಪ್ಪಾ ಕ್ಹಾತೆ ಘನ್ನಾ ಮೊಟ್ಟಾ ಬರೊಕ್ಕಾಮಾ ರ್ವಯಲ ಮನಕ್ಹೊನೆ ಬರ್ದಾನು ಪತ್ರ. ಅಪ್ಪೊ ಕ್ಹುದಾ ವರಿ ರಕ್ಷಕ ಧಯಲ ಯೆಸು ಕ್ರಿಸ್ತ ಕ್ಹರಿನೊ ರ್ವಯಲ ಹುತಿ ತೆ ಬರೊಕ್ಕೊ ತುಮೊನೆ ಮಳ್ಳೊಸ. ತೆ ಯೊಗ್ಯ ರ್ವಯಲಜ್ಜ ಕರಸ.

² ತುಮೊನೆ ಮರಗಾ ವರಿ ಶಾಂತಿ ಹೆಚ್ಚಿ ಮಳಾದೆ. ಕ್ಹುದಾನೆ ವರಿ ಅಪೊನೊಯ ಪ್ರಭು ಧಯಲ ಯೆಸುನೆ ತುಮೆ ಕ್ಹರಿಕ್ಕು ತಿಳ್ತಲಹುತಿ ತುಮೊನೆ ಕೃಪಾ ಶಾಂತಿ ಮಳಾದೆ.

ಕ್ಹುದಾ ಬಲಾವಾನು ವರಿ ಇನಿಲಿವಾನು

³ ಯೆಸುನೆ ಕ್ಹುದಾನಿ ತಾಕತ ಛೆ. ಜಿವ್ವಾ ಕರಾನೆ ವರಿ ಕ್ಹುದಾನಿ ಸೆವೆ ಕರಾನೆ ಚಾಯೆ ಧಯಲ ಹರಿ ಯಕ್ಕ ತಿನಿ ತಾಕತ ಅಪೊನೆ ದಿದ್ಯೊಸ. ಅಪೆ ತಿನೆ ತಿಳದಲ ಹುತಿಜ್ಜ ತೆ ಕ್ಹಾರು ಪಡ್ಡಿಲಿದ್ಯಾಸ. ಯೆಸು ತಿನಿ ಪ್ರಭಾವಕ್ಕು ವರಿ ತಿನಿ ಗುಣಾಕ್ಕು ಅಪೊನೆ ಬಲಾಯೊ.

⁴ ಯೆಸು ತೆ ಕರಲ ವಾಗ್ದಾನಕ್ಕು ತಿನಾ ಪ್ರಭಾವಕ್ಕು ವರಿ ಗುಣಾವೊಕ್ಕು ಅಪೊನೆ ಮೊಟ್ಟು ರ್ವಯಲ ವರಿ ಚೊಕು ರ್ವಯಲ ವರಾ ದಿದ್ಯೊಸ. ತೆ ವರಾಕ್ಕು ತುಮೆ ಕ್ಹುದಾನಿ ಗುಣಾವೊಮಾ ಹಿಸ್ಸೊ ಲಿವಾಲಾಧಾವಾನೆ ಸಾದ್ಯಛೆ. ಇಮ್ಮ ರ್ವತಾಮಾ ತುಮೆ ಎ ಲೊಕಮಾ ಕೆಟ್ಟ ಆಸಕ್ಕು ಆವಾನು ಕೆಟ್ಟಕ್ಕು ಚುಕ್ಕೆಲಿದಲವಾಲ ಧಯಾಸ.

⁵ ತುಮೆ ಎ ಆಶಿರ್ವಾದ ಹೊಂದಲ ಹುತಿ ತೆ ಕ್ಹಾರು ತುಮಾರಿ ಜಿವಿತ್ಮಾ ಉಪಯೊಗ ಕರಲಿವೊ ತುಮೊನೆ ಧಯಲ ತೆಕ್ಲ ಕೊಶಿಶ ಕರೊ. ತುಮಾರಾ ಬರೊಕ್ಕಾನೆ ಸದ್ಗುಣ ಸದ್ಗುಣನೆ ಗ್ಯಾನ

⁶ ಗ್ಯಾನನೆ ದಮೆ ದಮೆನೆ ತಾಳ್ತೆ ತಾಳ್ತೆನೆ ಕ್ಹುದಾನೆ ಸೆವಾ

7 ಕ್ಷುದಾನಿ ಸೆವೆನೆ ಭಾಯೊನಿ ದೊಸ್ತಿನಿ ಮಯಾ ಕುಡ್ಲೊ

8 ಎ ಕ್ಹಾರು ತುಮೊಮಾ ರ್ಹ್ವಿನ ಬೆಳತ್ತು ರ್ಹ್ವಯುಮ, ತುಮೆ ಕೆಳಾಮಾಭ ತಾಕತ ಕಮ ರ್ಹ್ವಯಲವಾಲಾ ಥಾತಾ ನೈ. ಎ ತುಮೊನೆ ಬೆಳ್ದಾನೆ ಆಸ್ತೊ ಕರಸ. ಹಮಾರೊ ಪ್ರಭು ಥಯಲ ಯೆಸು ಕ್ರಿಸ್ತನಿ ಗ್ಯಾನಮಾ ಕೆಳಾಮಾಭ ಗ್ಯಾನ ನೈಸೊವಾಲಾ ಕವೈ ಲಿತಾನೈ. ಆ ಕ್ಹಾರು ತುಮೊನೆ ಆಸ್ತೊ ಕರಸ.

9 ತೆನೈಸೊ ಎ ಕ್ಹಾರು ಕಿನಾಮಾ ರ್ಹ್ವತುನೈತೆ ಚೊಕಿತರಾ ದೆಕ್ಲೊ ನೈ. ತೆ ಕುಡ್ಲೊ ಧೈನ ರ್ಹ್ವವಸ; ತೆ ಚೊಕೊ ಥಯಲ ಇಕ್ಲರಲ ಲಿಂಗತ ರ್ಹ್ವವಸ.

10 ಮಾರಾ ಭಾಯೊ ಭೆನೊ, ಕ್ಷುದಾಕಂತಾ ಕ್ಹರಿಮಾಭ ಇನಿಲಿದಲವಾಲಾ ವರಿ ಬಲಾಯಲವಾಲಾ ವ್ಹೈ ಕೈನ ದೆಕಾಡಾನಾ ಹುತಿ ಘನ್ನಾ ಕೊಶಿಶ ಕರೊ. ಇಮ್ಮತುಮೆ ಕರ್ಯಾಮ ಕೆಳಾಮಾಭ ತುಮೆ ಪಡ್ತಾ ನೈ.

11 ಅಪ್ಲೊ ಪ್ರಭು ಥಯಲ ವರಿ ರಕ್ಷಕ ಥಯಲ ಯೆಸು ಕ್ರಿಸ್ತನಾ ರಾಜ್ಯಮಾ ತುಮೊನೆ ಮೊಟ್ಟೆ ಸ್ವಾಗತ ದಿವಸ. ತೆ ರಾಜ್ಯ ಹಮೆಶಾ ರ್ಹ್ವಯಲ ವ್ಹೈ.

12 ಎ ಕ್ಹಾರು ತುಮೊನೆ ಗ್ವತ್ತ ಛಿ. ತುಮೊನೆ ರ್ಹ್ವಯಲ ಕ್ಹರಿಮಾ ಘಟ್ಟ ಧೈನ ರ್ಹ್ವೊ. ತೆನೈಸೊ ಎ ಕ್ಹಾರು ಶೆ ಕರಲಿವಾನೆ ಮಿ ತುಮೊನೆ ಹಮೆಶಾ ಮದತ ಕರುಸ.

13 ಮಿ ಎ ಜಗತ್ಮಾ ಹಙ್ಗುನ ಜಿವ್ಲೊ ರ್ಹ್ವತಾಮಾಭ ಎ ಕ್ಹಾರು ತುಮೊನೆ ಶೆ ಲಾವಾನೆ ಚೊಕು ವ್ಹೈಕೈನ ಮಾರಿ ವಿಚಾರ ವ್ಹೈ.

14 ಮಿ ಘನ್ನೊ ಭೆಗಿನ ಎ ಅಂಗನೆ ಛೊಡುಕೈನ ಮನೆ ಗ್ವತ್ತ ಛಿ ಅಪ್ಲೊ ಪ್ರಭು ಥಯಲ ಯೆಸು ಕ್ರಿಸ್ತ ತೆ ದೆಕಾಡಿನ ದಿದ್ಲೊಸ.

15 ತು ಎ ಕ್ಹಾರು ಹಮೆಶಾಬಿ ಶೆ ಕರಲಿವಾನೆ ಮಿ ತುನೆ ಥಯಲ ತೆಕ್ಲ ಸಹಾಯಾ ಕರಾನೆ ಕೊಶಿಶ ಕರುಸ. ಮಿ ಆ ಜಗತ ಛೊಡಿನ ಗಯಲ್ವರ ಬಿ ತು ಎ ಕ್ಹಾರಿಯೊ ಸಂಗತಿಯೊಬಿ ಶೆ ಕರಲ್ಯು ಕೈಮಾರಿ ಆಸ ವ್ಹೈ.

ಕ್ರಿಸ್ತನಿ ಮಹಿಮಾ ಡೊಳೆ ದೆಕಲ ಸಾಕ್ಷಿ

16 ಅಪ್ಪೊ ಪ್ರಭು ಥಯಲ ಯೆಸು ಕ್ರಿಸ್ತನಿ ತಾಕತನಾ ಹುತಿ ವರಿ ತೆ ಆವಾನಾ ಹುತಿ ತುಮೊನೆ ಕದ್ಯಾಸ. ತೆ ಸಂಗತಿಯೊ ಮನಕ್ಪೊ ತ್ಯನಿ ಶಾಣಿತನಾ ಕ್ಹಕದಲ ಕಾನಿಯೊ ನ್ಹವೈ ಯೆಸುನಿ ಮಹಿಮಾ ಹಮೆ ಡೊಳೆ ದೆಕ್ಯಾಸ.

17 ತೆ ಕ್ಹಾರಾವೊತಿ ಘನ್ನೊ ತಾಕತ ರ್ಹಯಲ ಕ್ಹದಾನು ಅವಾಜ್ ಐಕ್ಹೊ. ತೆಳಮಾಜ್ ತೆ ತಿನೊ ಬಾ ಥಯಲ ಕ್ಹದಾ ಕಂತೊ ತಾಕತ ವರಿ ಮಯಾಕ್ಹ ಮಯಾದಿ ವ್ಹಂದಿಲಿದ್ಯೊ "ಕೈನ ಕದ್ಯೊ. ತೆ ಅವಾಜ್ ಆ ಮಾರೊ ಮಯಾನೊ ದಿಕ್ರೊವ್ವೊ ಇನೆ ಮಿ ಘನ್ನು ಪಸಂದ ಕರ್ರೊಸ.

18 ಅಪೆ ಯೆಸುನಾ ಕ್ಹಾತೆ ಪರಿಶುದ್ಧ ಡೊಂಗರಪರ ರ್ಹತಾಮಾ ಸ್ವರಗತೊ ಆಯಲ ತೆ ಅವಾಜ್ ಹಮೆ ಐಕ್ಯಾ.

19 ಪ್ರವಾದಿಯೊ ಕದಲ ಎ ಸಂಗತಿಯೊ ಐಕಿನ ವರಿ ಘನ್ನು ಕ್ಹರಿ ಲಾಗ್ಚೊ ತ್ಯನೆ ಕದಲ ಕ್ಹಾರುಜ್ ಐಕಿನ ವರಿ ತಿನಾನಿಂಗ ಚಾಲಾನು ಚೊಕು ವ್ಹೊ ತ್ಯನೆ ಕದಲ ಸಂಗತಿಯೊ ಅಂದಾರಾಮಾ ಉಜಾಲು ದಿವಸ. ತುಮಾರಾ ಮನಸ್ಸಾ ದಿನ್ನ ನಿಕ್ಹಳಿನ, ಪಾಟ್ಲೊ ಉಜಾಲು ಥಾಯೆಲಕ್ಯಾ ತೆ ಉಜಾಲು ರ್ಹವಸ.

20 ತುಮೆ ಪೈಲಾ ತಿಳ್ವೊ ಕದ್ಯಾಮ ತೆ ಸು ವ್ಹೊ ಕದ್ಯಾಮ, ಪವಿತ್ರ ಗ್ರಂಥಮಾ ರ್ಹಯಲ ಕೈ ಮ್ಹೊಟಿ ವಾಕ್ಯಾ ಯಕ್ಹಜ್ ಮನಕ್ಹನಾ ಹುತಿ ನತ್ತಿ ಐ.

21 ಕೈಜ್ ಪ್ರಾವಾದನೆ ರ್ಹವಾದೆ ಮನಕ್ಹನಾ ಚಿತ್ತತಿ ನತ್ತಿ ಐ. ತೆನ್ನೆಸೊ ಮನಕ್ಪೊನೆ ಪವಿತ್ರ ಆತ್ಮಾಕ್ಹ ಚಲೈನ ಕ್ಹದಾ ಕದಲಜ್ ಬೊಲ್ಯಾ.

2

ಸುಳ್ಳು ಭೊದಕ

1 ಪೈಲಾನಾ ಕಾಲ್ಯಾ ಕ್ಹದಾನಾ ಮನಕ್ಪೊಮಾ ಸುಳ್ಳು ಪ್ರಾದಿಯೊ ವ್ಹತ್ತಾ. ಹಮ್ಮಾಬಿ ಛಿ ತುಮೊಮಾ ದಕ್ಹಾ ಸುಳ್ಳು ಪ್ರವಾದಿಯೊ ಛಿ. ಮನಕ್ಪೊನೆ ಹಾಳಮಾ ಚಲಾವಾನು ಸುಳ್ಳು ಭೊದನೆ ತ್ಯನೆ ಕವಸ. ತ್ಯನೆ ಸುಳ್ಳು ಭೊದನೆ ಕರಾಲಾ ನ್ಹವೈ ಕೈನ ತುಮೊನೆ ತೀಳದ್ಯಾವಾಚಿ ತ್ಯನೆ ಭೊದನೆ

ಕವಸ. ತ್ಯನೇ, ತ್ಯನೊನೆ ಬಿಡುಗಡೆ ಲೈನ ದಿದಲ ವಾಲಾನೆಜ (ಯೆಸುನೆ) ನೈವಪ್ಪಿಲಿತಾ. ತಿನಾಹುತಿ ತ್ಯನಾಕ್ಡು ತ್ಯನೇಜ ಹಾಳ ಕರಲಿವಸ.

² ತ್ಯನೇ ಕರಾನಾ ಕೆಟ್ಟ ಕಾಮೊ ಮನಕ್ಟೊಬಿ ಕರಸ. ತೆ ಮನಕ್ಟೊನಾ ಹುತಿ ಕ್ಹರಿನಿ ವಾಟನಾ ಹುತಿ ಬಿಜಾ ಮನಕ್ಟೊ ಕೆಟ್ಟ ವಾತೊ ಬೊಲಸ.

³ ಸುಳ್ಳ ಭೊದೊಕೊನೆ ಚಾಯೆಥಯಲ ಕ್ಹಾಲಿ ತುಮಾರಾ ದೊಕ್ಹಾ ವ್ಹ್ಯೆ. ತಿನಾಹುತಿ ಕ್ಹರಿ ರ್ಹಯಲ ವಾತ ನೈ ಕೈನ ತುಮೊನೆ ಉಪಯೊಗ ಕರಲಿವಸ. ತೆನೈಸೊ ಘನ್ನಾ ದಿನ್ನೊತಿಬಿ ತೆ ಸುಳ್ಳ ಭೊದೊಕೊನಾ ವಿರುದ್ಧ ವೈಸಲೊ ತೈಯ್ಯಾರ ಥಯೊಸ. ತ್ಯನೇ ಹಾಳ ಧಾವಾಲಾನಾ ಹತೆ (ಕ್ಹುದಾ) ತ್ಯನೇ ಚುಕ್ಕೈಲಿವಾನೆ ಧಾತು ನೈ.

⁴ ದೆವದುತೊ ಪಾಪೊ ಕರತಾಮಾ, ತ್ಯನೊನೆ ಶಿಕ್ಷಾದಿದ್ಯಾವಾಚಿ ಫೊಡ್ಯೊನೈ. ತೆ ತ್ಯನೊನೆ ಬೆಡಿಯೊ ಭಾಂದಿನ ನರಕ್ಕಮಾ ಡಕ್ಕಲೈ. ಅಂದಾರು ರ್ಹಯಲ ಖಾಡಿಮಾ ಫಾಲ್ಯೊ. ತ್ಯನೊನೆ ವೈಸಲೊ ಥಾಯೆಲಕ್ಕಾ ತ್ಯಾಜ ರ್ಹವಸ.

⁵ ಘನ್ನಾ ದಿನಪಾಚಾ ರ್ಹಯಲ ಮನಕ್ಟೊನೆ ಕ್ಹುದಾ ಶಿಕ್ಷಾ ದಿದ್ಯೊ. ತೆ ಕಾಲ್ಮಾ ತಿನಾ ವಿರುದ್ಧ ಮನಕ್ಟೊ ಭರಿಗಯಲ ಟೈಮ್ಮಾ ತೆ ಘನ್ನು ಪಾನಿಲಾಯೊ. ತೆನೈಸೊ ನೊಹಾನೆ ವರಿ ಕ್ಹಾತ ಜನಾವೊನೆ ವಚಾಡ್ಯೊ. ಕ್ಹರಿಕ್ಹ ರ್ಹಯಲವಾಲಾ ವಾಚುಕೈನ ನೊಹಾಜ ಮನಕ್ಟೊನೆ ಕದಲ ವ್ಹ್ಯೆ.

⁶ ಕ್ಹುದಾ ಸೊದೊಮ, ಗೊಮುರ ಕವಾನಾ ಕೆಟ್ಟ ಗಾಮ್ನೆ ಶಿಕ್ಷಾ ದಿದ್ಯೊ. ತೆ ತೆ ಗಾಮ್ನೆ ಸುಜ ಉಗ್ರೆ ನೈಸೊ, ಬಾಳಿನೆ ರಾಕ ಕರಿಪಾಡ್ಯೊ. ತಿನಾ ವಿರುದ್ಧ ಥಯಲ ಮನಕ್ಟೊನೆ ಸು ಧಾವಸಕೈನ ಕವಾನು ತೆ ಗಾಮ್ನೆ ದೆಕೊ ಕೈನ ಮುಕ್ಟೊಸ.

⁷ ತೆನೈಸೊ ಕ್ಹುದಾ ತೆ ಗಾಮ್ನಾತೊ ಲೊಟಾನೆ ವಚಾಡ್ಯೊ. ಲೊಟಾ ಕ್ಹರಿಕ್ಹ ವ್ಹತ್ತೊ. ಕೆಟ್ಟ ಮನಕ್ಟೊನೆ ದೆಕಿನ ದುಕಿ ಥಯೊತೊ.

⁸ ಲೊಟಾ ಕ್ಹರಿಕ್ಹ ವ್ಹತ್ತೊ. ವರಿ ತೆ ದಿನ್ನೆ ತೆ ಮನಕ್ಟೊನಾ ಕ್ಹಾತೆ ಜಿವ್ವಾ ಕರಾಡೊತೊ. ವರಿ ತ್ಯನೇ ಕರಾನಾ ಕೆಟ್ಟ ಕಾಮೊ ವರಿ ಐಕಿನ ಘನ್ನೊದುಕಿ ಧಾತೊತೊ.

⁹ ಹೊ, ಪ್ರಭು ಥಯಲ ಕ್ಹುದಾ ತಿನಾ ಭಕ್ತೊನೆ ತ್ರಾಸ್ತಾತೊ ಹಮೆಶಾಬಿ

ವಚ್ಚಾಡಸ . ತೆ ಕೆಟ್ಟ ಮನಕ್ಲೊನೆ ಫೈಸ್ಲಾನೊ ದಿನ್ನ ಆಯೆಲಕ್ಕಾ ಶಿಕ್ಷಾ ದಿವಸ.

10 ಕ್ಲುದಾನೊ ಅದಿಕಾರನೆ ವಿರುದ್ಧ ಕರಾಲಾ ಮನಕ್ಲೊನೆ ವರಿ ತ್ಯನಾ ಪಾಪನೆ ವರಿ ತ್ಯನಾ ಮನಸೆ ಆಯಲ ತಿಮ್ಮ ಕಾಮೊ ಕರಾಲಾ ಮನಕ್ಲೊನೆ ಕ್ಲುದಾ ಅಮ್ಮ ಶಿಕ್ಷಾ ದಿವಸ.

11 ದೆವದುತೊ ಸುಳ್ಳ ಬೊದನೆ ಕರಾಲಾವೊತಿಬಿ ಘನ್ನಾ ತಾಕತ ವಾಲ ವ್ಹೆವರಿ ಘನ್ನಾ ಘಟ್ಟ ರ್ವವಸ. ವರಿಬಿ ದೆವದುತೊ ಸುಳ್ಳ ಬೊದಕೊನೆ ಕ್ಲುದಾನಿ ಸನ್ನಿದಿಮಾ ದೊಶದೆತಾ ನೈ.

12 ತೆನೈಸೊ ಎ ಸುಳ್ಳ ಬೊದಕೊ ತ್ಯನೊನೆ ನೈ ಗ್ವತ್ತ ಥಯಲ ಸಂಗಿತಿಯೊನಾ ವಿರುದ್ಧ ಕೆಟ್ಟಬೊಲಸ. ತ್ಯನೆ ವಿಚಾರ ಕರ್ಯಾವಾಚಿ ಕಾಮೊ ಕರಾಲಾ ಜಾನವರೊ ಲಿಂಗತ ರ್ವವಸ. ಧರೈಲಿನ ಖಲಾಸ ಥಾವಾನಾಹುತಿ ಹುಟ್ಟಲ ಕೆಟ್ಟ ಪಶುವೊನಿಂಗ ಹಾಳಥಾವಾಲಾ ಲಿಂಗತ ರ್ವವಸ.

13 ತ್ಯನೊಕ್ಕು ಘನ್ನಾ ಮನಕ್ಲೊ ತ್ರಾಸ್ತಾ ಪಡಸ. ತ್ಯನೆ ಕರಲ ತೆಜ್ಜ ಪ್ರತಿಫಲ ರ್ವವಸ. ಎ ಸುಳ್ಳ ಬೊದಕೊ ಮನಕ್ಲೊನಾ ಕ್ಲಾಮಾ ಕೆಟ್ಟ ಕಾಮೊಮಾ ಖುಶಿ ರ್ವವಸ. ತ್ಯನೊನೆ ಖುಶಿ ಕರಾನು ಕೆಟ್ಟ ಕಾಮೊಕ್ಕು ತ್ಯ ಖುಶಿ ಥಾವಸ.

14 ತ್ಯನೆ ಜಾರತ್ವಕ್ಕು ಭರಲ ವರಿ ಡೊಳಾ ಕರಾನಾ ಪಾಪೊ ನೈ ಛೊಡಲಹುತಿ

15 ಎ ಸುಳ್ಳ ಬೊದಕೊ ಚೊಕಿವಾಟ ಛೊಡಿನ, ಕೆಟ್ಟವಾಟ ಧರ್ಯಸ. ಬಿಳಾಮನ ಬೆಯೊರನ್ನೊ ದಿಕ್ಲೊ. ತಿನು ಧರಮನೆ ಛೊಡಿನ ಅಧರಮಕ್ಕು ಆಯಲ ಫೈದಾನೆ ಮಯಾ ಕರ್ಯೊ.

16 ವರಿ ತೆ ಕರಾನು ತಪ್ಪ ವ್ಹೆ ಕೈನ ಯಕ್ಕ ಗದ್ದು ತಿನೆ ಕದ್ಯ. ತೆ ಯಕ್ಕ ಮುಕ ಪಶು ವ್ಹೆ ತೆನೈಸೊ ತೆ ಮನಕ್ಲ ಲಿಂಗತ ಬೊಲಿನ ತೆ ಪ್ರವಾದಿನಾ ಪಿಸಾಳಾನೆ ಅಡ್ಡಿ ಕರ್ಯೊ.

17 ತೆ ಸುಳ್ಳಬೊದಕೊ ಪಾನಿ ನೈಸೊ ಖಾಲಿ ರ್ವಯಲ ಇರೊ ಲಿಂಗತ ರ್ವವಸ. ತ್ಯನೆ ಮೊಟ್ಟೊ ವಾರೊ ಐನ ಮ್ಹಾಡನೆ

ಉರಾಡ್ಲಿನಿಂಜಾವಾಲಿಂಗತ ರ್ವವಸ. ತ್ಯನಾ ಹುತಿ ಅಂದಾರಾನಿ ಜಗಾ ಕೈದಿನ ಮ್ಹೆಲ್ಯಾಸ.

18 ತ್ಯನೆ ಮತಲ್ಪನೈಸೊ ವಾತೊ ಬೊಲಿನ ಗ್ವತ್ತ ಛೆ ಕೈನ ಕೈಲಿವಸ. ಕೆಟ್ಟ ವಾಟ್ಕಾಚಾಲಾಲಾ ಮನಕ್ಲೊನಾ ಕ್ವಾತೆ ನವಾಕ್ವುಚುಕೈಲಿನ ಆಯಲ ಮನಕ್ಲೊನೆ ವಾಟ ಚುಕಾವಸ. ತ್ಯನಾ ಪಾಪಕ್ವುಕರಾನೆ ಆಸ ರ್ವಯಲ ಕೆಟ್ಟ ಕಾಮೊ ಕರಿನ ಎ ಸುಳ್ಳ ಬೊದಕೊ ತ್ಯನೊನೆ ವಾಟ ಚುಕಾವಸ.

19 ಎ ಸುಳ್ಳ ಬೊದಕೊ ತೆ ಮನಕ್ಲೊನೆ ಬಂದನ್ಮಾತಾ ಛೊಡೈಸ ಕೈನ ವಾತ ದಿವಸ ತೆನೈಸೊ ಎ ಸುಳ್ಳಬೊದಕೊಜ ಬಂದನಮಾ ರ್ವ್ವಿನ ಹಾಳ ಥಾವಾನೆ ಸಂಗತಿಯೊನ ಗುಲಾಮೊ ಥೈನ ರ್ವವಸ. ಯಕ್ಲೊ ಕಿಕ್ವು ಹಾರ್ವೊಸ ತಿನೆ ಗುಲಾಮ ಥಯೊಸ.

20 ಎ ಜಗತ್ಮಾನಾ ಕೆಟ್ಟ ಕಾಮೊಕ್ವುತೆ ಮನಕ್ಲೊನೆ ವಚಾಡ್ಯಾ ಅಪ್ಪೊ ಪ್ರಭು ಥಯಲ ವರಿ ರಕ್ಷಕ ಥಯಲ ಯೆಸು ಕ್ರಿಸ್ತನೆ ತಿಳದಿಲಿವಾನಾಹುತಿ ತ್ಯನೊನೆ ಬಿಡುಗಡೆ ಥೈ ತೆನೈಸೊ ತೆ ಮನಕ್ಲೊ ತ್ಯನಾ ಪಾಚಲ್ಯಾ ಸಂಗತಿಯೊನೆ ಪಾಚಾ ಫರಿನ ಗಯಾಮಾ ವರಿ ತೆ ತ್ಯನೊನೆ ಹತೊಟಿಮಾ ಮ್ಹೆಲ್ಲಿದಲ ರ್ವಯಾಮ ತ್ಯನೆ ಪೈಲಾತಿಬಿ ಘನ್ನಾ ಕೆಟ್ಟ ಥೈಜಾವಸ.

21 ಹೊ, ತೆ ಮನಕ್ಲೊಚೊಕಿವಾಟ ಗ್ವತ್ತ ವಾಚಿ ಗಯಲ ರ್ವಯಾಮಾ ಚೊಕು ಥಾತುತು. ಚೊಕಿ ವಾಟ್ಕಾ ತಿಳ್ವಲಿನ ಚೊಕಿ ವಾತೊನೆ ಪಾಚಾಪ್ಪರಾತಿ ತೆ ನೈತಿಳ್ವಲಿದ್ಯಾಮ ಚೊಕು ವ್ಹತ್ತು.

22 ಕ್ವರಿಮಾಜ ಎ ವಾತೊ ಲಿಂಗತ ತ್ಯನೆ ಕರ್ಯಾ: "ಕುತ್ತುತೆ ವಕ್ತಕಲಜ ಚಾಟಾನೆ ಪ್ವರಿನ ಗಯು. ವರಿ ಧ್ವಯಲ ಡುಕ್ಕುರ ರಾಡಿಮಾ ಉಳ್ಳಾಡಾನೆ ಗಯು"

3

ಪ್ರಭು ಆವಾನಿ ವಾಗ್ದಾನೆ

1 ಮಾರಾ ಮಯಾನ ದೊಸ್ತೊ, ಮಿ ತುಮೊನೆ ಬರ್ದಾನು ಎ ಬೆವಾ ಪತ್ರ ವ್ಹೆ, ತುಮಾರು ಯಕ್ಕಜ್ಜ ಮನಸ ರ್ಡಯಲ ವರಿ ತುಮೆ ಶೆ ಕರಲಿವೊ ಕೈನ ಎ ಬೆಬಿ ಪತ್ರ ಬರ್ದೊಸ.

2 ಪರಿಶುದ್ಧ ಪ್ರವಾದಿಯೊ ಪೈಲಾನಾ ಕಾಲ್ಮಾ ಕದಲ ತುಮೆ ಶೆ ಕರಲ್ಯುಕೈನ ಮಾರಿ ಆಸ ವ್ಹೆ, ಅಪೊ ರಕ್ಷಕ ಥಯಲ ಪ್ರಭು ತುಮಾರಾ ಅಪೊಸ್ತಲೊನಾ ಮುಲಕ ದಿದಲ ಆಗನ್ಯಾ ಶೆ ಕರಲಿವೊ.

3 ಲಾಸ್ತನಾ ದಿನೊಮಾ ಸು ಥಾವಸ ಕವಾನು ತುಮೆ ತಿಳ್ವಿಲಿವಾನು ಘನ್ನು ಜರುರತ ಛಿ. ಮನಕ್ಲೊ ತುಮೊನೆ ದೆಕಿನ ಹಿನಾವಸ್. ತ್ಯನೆ ತ್ಯನಾ ಮನಸೆ ಆಯಲತಿಮ್ಮ ಕೆಟ್ಟ ಕಾಮೊ ಕರತಾ ಜಿವ್ವಾ ಕರತಾ ರ್ಡವಸ.

4 ತೆ ಮನಕ್ಲೊ ತೆ ವರಿ ಆವಾನು ಛಿ ಕೈನ ಕದಲ. ತೆ ಕಿಜ್ಜಾ ಛಿ? ಹಮಾರಾ ಪಿತ್ರೊ ಮರಿಗಯಾ. ತೆನೈಸೊ ಎ ಜಗತ ಆದಿಮಾ ರ್ಡಯಲ ಲಿಂಗತಜ್ಜ ಛಿ "ಕೈನ ಕವಸ.

5 ತೆನೈಸೊ ಘನ್ನಾ ದಿನ್ನ ಪೈಲಾ ಸು ಥೈತು ಶೆ ಕರಲಿವಾನೆ ತ್ಯನು ಮನಸ ನತ್ತಿ. ಆದಿಮಾ ಕ್ವದಾ ಹಬಾಳ ತಯ್ಯಾರ ಕರೈಯ್. ಕ್ವದಾ ಜಗತ್ತೆ ಪಾನಿಮಾತೊ ವರಿ ಪಾನಿಕ್ವ ತಯ್ಯಾರ ಕರೈಯ್. ಎ ಕ್ವರು ಕ್ವದಾನಿ ವಾತಕ್ವ ತಯ್ಯಾರ ಥಯಲ.

6 ಪಾಚಲೊ ತೆ ಜಗತ ಮೊಟು ಪಾನಿ ಐನ ಹಾಳ ಥಯಲ.

7 ಹಮ್ಮಾ ರ್ಡಯಲ ಹಬಾಳ ವರಿ ಜಿಮಿನ್ನೆ ಕ್ವದಾನಿ ವಾಕ್ಯಯಾಜ್ ಆಸ್ತೊ ಥೈಸ. ಹಬಾಳ ವರಿ ಜಿಮಿನ ಆಗಕ್ವ ಹಾಳ ಥಾವಾನೆ ಮುಕ್ಯಾಸ. ಕ್ವದಾನಾ ವಿರುದ್ಧ ರ್ಡಯಲ ಮನಕ್ಲೊನೆ ಥಾವಾನಾ ಪೈಸಲಾನಾ ದಿನ್ನಾ ಹುತಿ ಹಾಳಥಾನಾಹುತಿ ಹಬಾಳ ಜಿಮಿನ ಮುಕ್ಯಾಸ.

8 ತೆನೈಸೊ ಮಯಾನಾ ಭಾಯೊ, ಆ ಯಕ್ಕ ತುಮೆ ಇಕ್ವರೊ ನಕೊ. ಪ್ರಭುನೆ ಯಕದಿನ್ನಿ ಹಜಾರ ಕ್ವವರಹ ರ್ಡಯಲಲಿಂಗತ ವ್ಹೆ, ವರಿ ಹಜಾ ವರಕ್ವ ಯಕ್ಕದಿನ ರ್ಡಯಲ ಲಿಂಗತ ವ್ಹೆ.

9 ದಕ್ವಾ ಮನಕ್ಲೊತಿಳ್ವಲ ತಿಮ್ಮ ಪ್ರಭು ತೆ ವಾತ ದಿದಲ ತಿಮ್ಮ ಕರಾನು ತಡಾಕರಿನ ಪುರಾ ಕರತೊ ನೈ ಕ್ವದಾ ತುಮಾರಾ ಹುತಿ ದಡ್ಲಿನೆ ಛಿ

ಕಯುಜ ಮನಕ್ವಜವೈಜೌನ್ಯಕ್ಕೆ ಕ್ವದಾನು ಮನಸ ಛಿ. ಹರಿ ಯಕ್ಕೊ ತಿನು ಮನಸ ಬದ್ಧಿಕರಲಿನ, ಪಾಪ ಕರಾನು ಹುಬ್ರಾಡಿಪಾಡು ಕ್ವದಾನಿ ಆಸ ಛಿ.

10 ತೆನ್ನೈಸೊ ಕ್ವದಾ ದಿಕ್ವಾನೊ ಟೈಮ ಚ್ಚಟ್ಟೊ ಕಿಮ ಆವಸ ತಿಮ್ಮ ಆವಸ. ಹಬಾಳಮಾ ಮೊಟಿ ಅವಾಜಕ್ಕು ಮಾಯಾ ಥಯಲಲಿಂಗತ ಹಬಾಳಮಾ ರ್ವಯಲ ಕ್ವಾರಿ ಸೃಶ್ಚಿಯೊ ಆಗಕ್ಕು ಹಾಳ ಧೈಜಾವಸ. ಆ ಜಗತ ವರಿ ತಿಮಾ ರ್ವಯಲ ಕ್ವಾರುಜ ಆಗಕ್ಕು ಹಾಳ ಧೈಜಾವಸ.

11 ಮಿ ತುಮೊನೆ ಕದಲ ತಿಮ್ಮ ತರಿಕಾಕ್ಕು ಕ್ವಾರು ಹಾಳ ಧೈಜಾವಸ. ತಿನಾಹುತಿ ತುಮೆ ಕೆವಾ ಮನಕ್ಕೊ ಥೌ? ತುಮೆ ಪರಿಶುದ್ಧ ಧೈನ ರ್ವೌ ವರಿ ಭಕ್ತಿವಾಲಾ ರ್ವೌ

12 ತುಮೆ ಕ್ವದಾ ಆವಾನೊ ದಿನ್ನ ದೆಕ್ಕತಾ ರ್ವೌ ತೆ ದಿನ್ನ ಆತಾಮಾ, ಹಬಾಳ ಆಗ ಕ್ವ ಹಾಳ ಧೈ ಜಾವಸ. ವರಿ ಹಬಾಳಮಾ ರ್ವಯಲ ಕ್ವಾರುಜ ಆಗ ಕ್ವ ಬಳಿನ ಕರಗೈಜಾವಸ.

13 ಅಪೆತೊ ಕ್ವದಾ ವಾತದಿದಲ ಹಬಾಳ ವರಿ ಜಿಮಿನ ದೆಕಾಡ್ಯಾಸ. ಕ್ವರಿ ತಿಮಾ ಛಿ.

14 ಮಯಾನಾ ದೊಸ್ತೊ, ಇನಾಹುತಿ ಅಪೆ ಕ್ವಾಮಾ ದೆಕಾಡ್ಯಾಸ. ತಿನಾಹುತಿ ತುಮೆ ಪಾಪ ನೈಸೊವಾಲಾ ಧೈನ ತುಮೊನೆ ಥಯಲ ತೆಕ್ಕು ಕೊಶಿಶ ಕರೊ. ಕ್ವದಾನಾ ಕ್ವಾತೆ ಸಮಾಧಾನಕ್ಕು ರ್ವವಾನು ಕರೊ.

15 ಅಪೊನೆ ರಕ್ಷಣೆ ಮಳು ಕದ್ಯಾಮ ಕ್ವದಾನಿ ಸಮಾಧಾನ ಕ್ವಜ ವ್ವೈ ಕೈನ ತುಮೆ ತಿಳ್ವಿಲಿವೊ. ಅಪ್ಪೊ ಮಯಾನೊ ಭೈ ಥಯಲ ಪೌಲಾನೆ ಕ್ವದಾನಿ ಗ್ಯಾನಕ್ಕುಜ ಅಪೊನೆ ಪತ್ರ ಬರ್ದಿನ ಎಜ ತಿಳ್ವಾಯೊಸ.

16 ಪೌಲಾ ತಿನಾ ಕ್ವಾರಾ ಪತ್ರಮಾ ಇನಾಹುತಿ ವರಿ ಇನಾಲಿಂಗತಜ ಬರದಸ್. ದಕ್ವಾ ಟೈಮ್ಮಾ ಪೌಲಾ ಪತ್ರಮಾ ರ್ವಯಲ ತಿಳದಿಲಿವಾನೆ ತ್ರಾಸ ಥಾವಸ. ದಕ್ವಾಜನಾ ಎ ಕ್ವಾರು ಚೈ ಕರಿನ ತಪ್ಪ ಮತ್ಲಬ ದಿವಸ. ತ್ಯುನೆ ಪಿಸಾಳಾ ವ್ವೈ ವರಿ ಬರೊಕ್ವಾಮಾ ಕಡ್ಡಿ ಛಿ. ತ್ಯುನೆ ಪವಿತ್ರ ಗ್ರಂಥಮಾ ರ್ವಯಲ ತಪ್ಪ ಕೈನ ದಿವಸ. ಇನಾಲಿಂಗತಜ ತ್ಯುನಾಕ್ಕು ತ್ಯುನೆಜ ಹಾಳ ಕರಲಿವಸ.

17 ಮಯಾನಾ ಭಾಯೊ, ಇನಾಹುತಿ ತುಮೆ ತಿಳ್ವಿದ್ಯಾಸ. ತಿನಾಹುತಿ

ತುಮಿ ಹುಶಾರಮಾ ರ್ವವೊ ತಿ ಕೆಟ್ಟ ಮನಕ್ವೊತ್ಯುನೆ ಕರಾನಾ ಕಾಮೊಕ್ಕು
ತುಮೊನೆ ವಾಟ ಚುಕುನೈಸೊ ದೆಕಿಲಿವೊ. ತುಮೊಮಾ ರ್ವಯಲ
ಘಟ್ಟಿ ಬರೊಕ್ಕೊ ಛುಟೆ ನೈಸೊ ಹುಶಾರ ಥೈನ ರ್ವವೊ.

¹⁸ ತುಮಾರೊ ಪ್ರಭು ಥಯಲ ವರಿ ರಕ್ಷಕ ಥಯಲ ಯೆಸು ಕ್ರಿಸ್ತನಿ
ಮರಗಾ ಮಾ ವರಿ ತಿಳವಳ್ಳಿಮಾ ಬೆಳತ್ತಾಜ ರ್ವವೊ. ತಿನೆ ಹಮ್ಮಾ ವರಿ
ಹಮೆಶಾಬಿ ಮಹಿಮಾ ಧಾವಾದೆ! ಆಮೆನ.

ಕ್ಪದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕ್, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff